

新
增
船
戶
秘
書

山陰陳敬之先生著

新增胎產秘書

上海大成書局印行

胎產秘書原序

症之至危而治之甚難者莫如胎產未產而保衛之既產而調護之此其道失之毫釐謬以千里者也吾鄉山陰錢氏及蕭山竹林寺僧獨擅其道以行於世遠近就醫如市賴以生活者不可勝計第其方書秘而不露無能窺其奧咸為悵然即今之達生篇雖善但何症應作何治尚未詳備余自成童即留心胎產前於受業師陳勿庵先生家得珍藏秘本細加披閱內分胎前臨產產後三門復附保嬰要訣其別類也詳其論症也確其立方也精較之達生篇更為盡善而盡美此治產之寶鑑濟世之良書也然後知錢氏及竹林寺僧擅醫獨步者其方書均出於此矣誠使是書家置一本臨時翻閱驗症引方則安者不至於危危者可轉為安其有益於人世豈曰小補之哉是書余於乾隆乙卯遊幕楚南與陳百樸先生同館岳陽郡署已付剞劂公之於世旋赴粵西又之黔之滇所携刻本出以與人依方治病無不神效然藏板星沙終以不得遍行海內為未愜於心茲遊皖江復遇好善樂施諸公因而重鐫以廣流傳夫利一身者一身行之利天下者當與天下共之是書他日自邇迄遠轉相鐫刻俾得人人而濟之无予之所厚望也夫

時

嘉慶十四年歲次己巳七月既望古虞店園何榮撰

一書內所載湯飲丸散各方用人參者居多服藥之家應分有力無力三等若有力者宜照方用之稍有力者減半用之無力者以黨參代之或竟去之亦可

一書內所載胎前二十四症臨產四症產後四十七症以及難產救治調護各法均係經驗按症引方用之萬無一失

一書內所載妊娠產婦病症逐一分晰詳明但依方治之不必延醫診脈

一書內所載催生開骨方難產如聖散產畢生化湯各藥當於受孕十月滿足之先預備數帖於家以便臨期取用恐窮鄉僻壤以及更深夜靜之際有呼應不及之虞

胎產秘書上卷目錄

胎前總論

惡阻

胎動腹痛

漏胎

小便帶血

子腫

子懸

子嗽

子癇

外感風寒

下痢

因怒滿悶

小腹虛脹閉滯

胎驚心悸氣促脹痛不安

兩目不明頭項腫滿

因失血類中風症

半產

乳吹

不宜服瘦胎方辯

胎動不安

胎漏下血

跌撲動胎

子淋

子滿

子煩

子瘥

子痞

霍亂吐瀉

熱症

小腸重墜作痛

胎滿腹痛欲瀉

頭旋目暈痰壅將危

遍身刺痛喘滿筋攣

心煩腹脹百節酸痛小便閉澀

腹中兒啼

轉胎

胎前脈法

胎前禁藥歌

胎形

胎產秘書中卷目錄

臨產總論

臨產脈法

將產昏倒

死胎不下

胎衣不下調護法

集催生諸方

王叔和生死脈歌

胎產秘書下卷目錄

產後總論

生化湯論

產後用藥十誤

產後厥逆

產後血崩

產後類傷寒三陽症

產後癰疽症

產後疸症

產後氣短發喘

附增異症

楊子建十二難產論

交骨不開

胎衣不下

既產調護法

王叔和難產生死歌

新產禁補

惡露

產後血暈

暈厥總論

產後類傷寒三陰症

產後類中風瘳症

產後類瘧

產後汗出

產後咳嗽

產後譫語

產後忿怒

產後泄瀉

申論瀉痢十方

產後霍亂

產後口渴兼小便不利

產後陽脬小便淋數不止

產後熱蒸成勞瘵症

產後遍身疼痛及腰小腹痛

產後流注

陰門突出

產後陰門生瘡

消乳

下物如鉢

下物如帕

乳懸

產後癰疽並內外腸癰

產後脫肛

產後總方

產後怔忡驚忡

產後傷食

產後痢症

產後嘔逆

產後膨脹

產後便數麻症

產後水腫

產後心腹痛

產後乳疽乳癰

陰門腫痛

產後陰門發瘡

乳汁不通

產後諸異症

下物如茄

下肉線

陰挺下脫

產後狐惑

產後頭瘋鼻淵

胎產應製藥味

附保嬰要訣目錄

夢生
斷臍法
臍風
哺乳法
護兒法

拭口法
米牙
喂口
夜啼
稀豆方

胎產祕書

會稽雲芝金 庸校對

胎前總論

凡孕婦脾胃健旺氣血充足則胎安產順毋庸用藥調理惟稟不足而氣血衰脾胃弱而勞役過以致諸症百出不得不資藥力矣普丹溪定補母安胎之方以補氣血為主以順氣清涼為佐參朮黃芩為安胎之聖藥芍歸熟地為補血之妙劑加以蘇陳等味定為常服主方至胎成六月後苓性降不宜多用黃芪肥胎不可常加香附雖快氣疏肝過則耗氣無補砂仁能止嘔定痛多亦動血行胎此誠先賢之法戒後學之準繩也而猶以為未備因分晰胎前諸症擬成數十餘方以便臨期酌用

胎前症治

惡阻

凡妊娠一二月惡阻嘔逆煩悶嗜卧即俗所謂病兒也此由婦人本元虛弱平時喜怒不節寒暑不調中脘宿有停痰積飲受孕經閉飲食相搏氣不宣通以致心下煩悶頭眩眼花四肢倦怠聞食即嘔喜酸嗜鮮多卧少起甚至嘔逆不食法當順氣理血豁痰導水而諸症自除以加味參橘飲治之

加味參橘飲
人參一錢白朮二錢砂仁三分厚朴一錢橘紅四分當歸一錢香附五分甘草三分姜三片竹茹一丸若無力服參去之亦可或方內加半夏麴八分

胎動不安

凡妊娠二三月胎動不安者皆因子宮久虛氣血兩弱不能攝元養胎致令不安若墮急服安胎飲以保之若先經墮過者可先服大造九繼服杜仲丸庶無半產之患

湯氏云半產多在三五七個月如前次在幾個月墮者後必如期復然故當追算前在三個月墮者即於未墮半月前先行服清熱養血固胎之藥數貼以補其虛五月七月墮者亦於未墮半月前預先服藥方保平安

此據受孕後夾熱者而言蓋三五七係陽月緣火能銷鑠故也

安胎飲

人參一錢虛者倍用當歸二錢熟地三錢條芩一錢川芎七分白朮二錢陳皮四分紫蘇四分甘草四分元
棗二枚 如虛肥人陳皮去白加川連五分如脾胃溏瀉加蓮子十粒砂仁五分川連五分炒去熟地黃
芩怒而多瀉加木香三分渴加麥冬二錢怔忡驚悸加棗仁二錢益智仁一錢龍眼肉十個

大造丸

紫河車一具泔水洗淨炙酥杞子一兩人參一兩五錢當歸二兩麥冬一兩三錢天冬一兩益智仁一兩茯
苓二兩五味五錢熟地姜炒二兩川漆五錢山藥八錢兔絲子鹽水炒四兩川柏鹽水炒一兩共為末蜜煉
丸如桐子大白滾湯送下五十九

杜仲丸

杜仲姜汁炒川斷酒浸各等分為末煉蜜為丸如桐子大米飲湯送下五十六十九

又方 杜仲三錢川斷三錢水煎服名為泰山盤石飲

胎動腹痛

凡妊娠胎動腹痛者或因飲食冷熱及動風毒物或因交感搖動骨節傷犯胞胎或因服藥太過血氣不調所
致宜服順氣補血之藥如加味安胎飲或如聖散

加味安胎飲

砂仁炒麥冬條芩各一錢人參當歸熟地各二錢陳皮紫蘇各四分生白朮一錢五分甘草三分大棗二枚
生姜三片水煎服 此方凡妊娠元氣不足精神怠倦胎動不安或身上微熱者並宜服之必一日兩服
方可平安 如腹痛者去麥冬加蘄艾醋炒黑七分或再加四製香附一錢蓋氣通則不痛也如咽燥多痰
兼失血者加川貝一錢五分黑荆芥一錢

如聖散

鯉皮阿膠當歸川斷各二錢熟地三錢白芍一錢川芎一錢甘草六分加苧麻根少許薑五片水煎空心服

胎漏下血

凡妊娠胎漏經血妄行此是胎息未實或因勞役過度傷動胞胎或因房屋驚觸致令子宮虛滑經血淋漓若不急治日漸胎乾子母不保急服寄生散或參歸飲或阿膠濟陰湯或保產無憂散

寄生散

寄生川斷阿膠香附黑人參白朮川芎各等分加生姜五片水煎服

參歸飲

人參當歸寄生淮生淮熟條苓香附茯苓阿膠各一錢川芎五分生甘草五分白芍二分黃芪一錢半黃楊

葉三片生姜二片水煎服甚者日進一劑

阿膠濟陰湯

阿膠白朮各一錢地黃白芍當歸川芎各一錢砂仁帶壳五分條苓斷艾各錢半香附八分炙甘草五分粘米一撮水二湯碗煎至一碗溫服如下血塊加地榆腰痛加杜仲觸患胞胎加金銀花須一日一夜三服以防敗血攻心如血不止加川斷二錢炒黑荆芥一錢五分黑大豆四十九粒如因傷瘀而痛怕按者加桂心

三四分

保產無憂散

生綿著二錢半歸身一錢酒炒川芎一錢甘草一分免絲餅二錢羌活七分厚朴七分姜汁炒枳殼六分麵炒斷艾七分醋炒荆芥穗一錢川貝一錢白芍酒炒冬月八分夏月一錢日進二劑亦可此方兼可催生如不見血加生姜二片

漏胎

凡受孕之後經血不時點滴謂之漏胎蓋由勞傷氣血虛弱之故或因惱怒或食炙煇熱物所致宜補中安胎

補中安胎飲
條苓白朮人參各三錢熟地三錢當歸錢半白芍一錢生甘草五分蘇梗八分

跌撲動胎

凡妊娠跌撲動胎下血不止急服安胎參蘇飲

參蘇飲

人參蘄艾川芎各三分當歸一錢條苓生朮各二錢陳皮紫蘇生甘草各四分阿膠一錢有外感者加蔥白四寸腹痛減蘄艾加砂仁四分

小便帶血

凡妊娠小便中帶血此由形體勞苦或過食煇炙之物所致宜清膀胱之火服加味道遙散

加味道遙散
當歸白朮各二錢柴胡白芍各一錢丹皮茯苓梔子各七分生甘草八分加燈芯七莖

子淋

凡妊娠小便淋漓此由調攝失宜酒色過度傷損營衛致令子宮氣虛而然又或下焦有熱而閉塞者名曰子淋宜服安榮散

安榮散

當歸五錢滑石一兩通草一兩人參三錢麥冬一兩細辛一錢吳甘燈心各五錢共為末每服四錢白湯送下

閉

又方用桑螵蛸為末每服二錢空心米湯送下

又方用陳米淘濃汁服之此方並可治男子癰

按此症由飲食無忌熱積膀胱者居多湯氏用古方歸湯加木通麥冬人參燈心甘草滑石治之

如清涼通利等藥不效即用補中益氣湯加淨車前二錢蓋中氣一提則下竅自開況車前利水通淋

一提一降自然見效補中益氣湯見于滿條下

子腫

凡妊娠面目虛浮四肢有水氣名曰子腫蓋由脾胃虛弱所致宜服金生白朮散或鯉魚湯

金生白朮散
人參一錢白朮二錢茯苓皮八分甘草三分當歸二錢川芎六分紫蘇陳皮各四分生姜三片水煎服或加蒲種壳二錢或乾浮萍一錢生姜用皮并加冬瓜子三錢

鯉魚湯

鯉魚不拘大小二三尾洗去鱗用水煮熟去魚每服用湯一大鍾前後藥服之

當歸白朮各五錢茯苓

四錢陳皮二錢每服四錢加生姜七片投魚湯內煎服以愈為度

湯氏云子腫於五六個月時多有之

或腹大高過心胸氣逆不安此由胎中蓄水所致若不早治必然生子殘疾子母難保常煎鯉魚粥食之

子滿

凡妊娠腿膝浮腫脚面足指水出氣促滿悶此由脾虛血化咸水所致名曰子滿又名子氣宜服加味天仙藤散如脾氣弱甚者宜服補中益氣湯

加味天仙藤散

天仙藤洗略炒六分木瓜一錢香附六分紫蘇陳皮各四分烏藥七分甘草三分水煎服虛甚加人參一錢

當歸白朮各二錢

補中益氣湯

人參炙芪各錢半炙甘五分白朮歸身各一錢陳皮七分柴胡升麻各三分或加川椒目一錢淨車前一錢

更佳水煎服

按妊娠七八個月兩足浮腫乃胞漿水濕下流之故其微腫者名曰皺脚得之易產其腫

甚或出黃水者始服補中益氣湯

子懸

凡妊娠胎氣不和上湊心腹滿痛難忍謂之子懸以紫蘇散治之

紫蘇散

紫蘇陳皮白朮腹皮當歸川芎各等分人參甘草各減半姜五片蔥白五寸水煎空心服一方以蓮房燒灰酒送下

安胎順氣飲

即前方去腹皮加砂仁三粒木香三分磨汁加姜煎

按受孕至三五個月斯時相火養

胎火盛胎熱則氣逆湊心多有此症

子煩

凡妊娠心驚胆怯煩悶不安名曰子煩宜服竹葉安胎飲

竹葉安胎飲

人參三分白朮條芩當歸各二錢棗仁遠志各八分陳皮三分川芎七分生甘四分生地錢半麥冬一錢竹葉十片姜棗引 有痰加竹瀝姜汁虛甚人參倍用瀉加芩實減生地 按此症亦多在四五個月之

時相火用事或因夏令君火大行俱能乘肺以致煩躁

湯建中云因相火者加知母因君火者加川連

子嗽

凡妊娠子嗽因外感傷寒者參蘇飲去人參半夏加桑皮杏仁因火乘肺金者二陳湯去半夏加芩連枳桔貝母痰而喘者加婁仁前胡桑皮如咳嗽吐血不止者用生地飲如風壅相攻胸滿久嗽者用白合散

加減參蘇飲

蘇葉杏仁橘紅各一錢枳殼炒七分前胡八分木香三分桔梗乾葛各七分桑皮七分甘草四分水煎服喘

加婁仁二錢

加減二陳湯

桔苓二錢川連橘紅川貝茯苓桑皮各一錢前胡七分枳殼八分甘草五分瓜婁一錢

生地飲

生地三錢犀角三分白芍知母天冬麥冬各二錢黃芩八分桔梗八分當歸二錢紫苑錢五分甘草四分喘加瓜婁一錢

百合散

百合二錢桑皮七分前胡八分桔梗七分芍藥一錢赤苓八分貝母一錢橘紅一錢甘草五分生薑引水煎服或加紫苑款冬

子瘧

凡妊娠病瘧多由營衛虛弱脾胃不足或感風寒或傷生冷傳為瘧疾名曰子瘧宜服驅邪散熱多寒少者清脾飲去半夏寒多熱少者人參養胃湯去半夏久而虛者四獸飲主之

驅邪散

霍香白朮茯苓各等錢甘草草果少許知母一錢橘紅八分砂仁八分姜棗引如有表邪者加蘇葉八分蔥白五寸加柴胡八分

清脾飲

白朮茯苓知母各一錢青皮四分厚朴八分黃芩二錢甘草五分生薑為引水煎服原方有柴胡人參養胃湯

人參蒼朮霍香厚朴各一錢陳皮一錢五分草果六分茯苓一錢二分炙甘草五分姜引或加烏梅一個

四獸飲

人參二錢白朮土炒二錢茯苓一錢二分炙甘草五分陳皮一錢二分草果八分元棗三枚姜二片烏梅三個或加當歸二錢虎骨膠二錢如無膠用虎骨六錢以上各方虎骨當歸均可加入

子癰 音閉即胎風一名兒暈又名痙

凡妊娠口噤項強手足攣搐言語蹇澁痰涎壅盛不省人事名曰子癰切不可作中風治宜服加味羚羊角散或加味地黃湯如無痰涎言語如常但見中風形狀此緣血少類風如以風藥投之貽害不淺

加味羚羊角散 羚羊角當歸防風獨活茯苓棗仁五加皮各一錢米仁五分杏仁八分甘草木香各三分蔥白五寸姜五片煎服虛加人參痰加竹瀝姜汁脾虛加炒白朮風疾湧甚加天竺黃一錢川貝一錢加味地黃湯

大熟地姜汁砂仁拌炒八錢淨荳蔻四錢淮山藥四錢茯苓三錢丹皮三錢澤瀉二錢陳胆星二錢吳茱萸五分川連五分煮汁泡七次炒一錢荆瀝冲服

子瘕 音因

凡妊娠三五個月忽失音不語者胞絡脈絕也名曰子瘕蓋胞繫於腎腎脈貫舌故失音此非藥可治分娩即自出聲 湯建中云前症俱由妊娠脾土不運而生濕濕生痰痰生熱熱生風如子腫濕也惡阻痰也子煩子淋熱也子癰風也子懸氣也轉瘳虛也治法雖有清熱消痰滲濕順氣疎風補之不同要不外去邪保胎四字為總訣也

外感風寒

凡妊娠外感風寒渾身壯熱眼花頭旋此因風寒格於肌表侵入脾胃傷損榮衛是以增寒發熱頭疼眼痛甚至心腹煩悶不可妄投峻劑只宜芳蘇散表其邪寒 按婦人天癸未行屬少陰天癸已行屬厥陰天癸已絕屬太陰胎產之病治厥陰者溯化之源也故機要曰胎產病當從厥陰經論毋犯胃氣及上二焦謂之三禁不可汗不可下不可利小便是也汗則痞滿下則傷脾利小便利則內亡津液中州枯燥故受孕三五個月時不可用一毫辛散滑利之藥惟七八個月後倘有閉結乃敢稍施以滑利之劑故上云不可妄投峻劑

加味芎蘇散

紫蘇羌活陳皮麥冬各一錢川芎白芍各八分乾姜生甘各五分加生姜二片水煎服胎前宜清涼乾姜還須忌用

霍亂吐瀉

凡妊娠霍亂吐瀉心躁腹痛宜服六和湯

六和湯

霍香砂仁各五分陳皮茯苓生甘各四分人參木瓜各一錢扁豆二錢杏仁十粒夏曲六分姜三片棗二枚竹茹一丸

下痢

凡妊娠下痢赤白此由生冷傷脾鬱積傷胃以致濕熱相干氣血凝滯其濕熱傷於氣分則下白積傷於血分則下紅積腹鳴後重下痢頻頻急服姜連丸治之如腹中疼痛心口急滿宜當歸芍藥湯或歸芍湯更佳

姜連丸

川連白朮砂仁阿膠炮姜川芎各一兩枳殼五錢炒乳香三錢另研共為末加鹽楊梅三枚醋少許打糯米糊為丸如桐子大每服四十九丸白痢淡姜湯下赤痢甘草湯下赤白痢甘草生薑湯下按赤痢可加銀花白痢腹痛可加青皮姜炒川連亦必不可少不必分赤屬熱白屬寒拘泥於姜湯甘草湯下也

當歸芍藥湯

當歸白芍枳殼麵炒山查各一錢厚朴八分陳皮六分木香三分甘草四分黃芩二錢水煎服忌生冷

歸芍湯

當歸三錢白芍半生半炒二錢萊服子炒研二錢廣木香八分枳榔七分枳殼八分甘草五分淨車前一錢五分山查砂糖炒一錢五分白痢加生薑紅痢加白糖煎服積已清而腸薄不止始用川連丸并阿膠參芪

可也熱痢初起用馬齒莧一味不拘多少煎當茶服亦效其馬齒莧葉青梗紅根白花黃子黑名曰五方草又名五行草有奇功凡下痢俱可用

熱症

凡妊娠病熱嘔吐不食胸中煩躁宜安胎涼膈散如熱甚發赤黑斑小便如血胎漸落將危者急以梔子石膏湯救之遲則墮矣如火熱壅極心煩口渴者宜清心潤肺湯

安胎涼膈飲

知母麥冬人參蘆根葛根黑梔竹茹蔥白各等錢水煎服

梔子石膏湯

梔子黃芩生地各二錢石膏四錢青黛一錢升麻四分豉一錢蔥白三寸水煎服按本方治發斑可加元參連翹各二錢或去石膏加犀角一錢恐石膏重墮不化

清心潤肺湯

黃芩梔子麥冬各二錢知母花粉人參各一錢甘草五分犀角三分姜棗引按方內用人參恐火得補而益熾治熱之方去之為得

因怒滿悶

凡妊娠因多怒氣胸膈滿悶或服順氣耗氣藥太過以致滿悶益增者宜散氣消悶散治之烏藥香附枳殼砂仁等故須少用

散氣消悶散

人參一錢白朮二錢川芎三分木香磨汁三分蘇葉條芩甘草各三分姜三片水煎服

小腹重墜腹痛

凡妊娠腹痛時作小腹重墜此緣氣虛下陷間有兼寒者宜加味安胎飲治之